

I wetti noch amol...

(vum Hildefons Peng)

*I wetti noch amol im Läba
a klina Khurer Stadtbuab sii,
und widar Rösslis macha khönna
vom Maierboda bis zum Rii.*



*Wett uff dar Halda Hütta bauh,
im warme Räge barfuass goo,
bim Möhr an Öpfalpüürli bschtella,
bim Spila müad und dräkat khoo.*

*Wett widar Wasser trinka törfä
als Buab, direkt vom Brunnarohr.
und wider Schnudarbeeri schniffä
im Garta vor am Metzgartor.*



*I wetti - nai, i wettis nümma!
i weiss, Khur isch au hüt noch schöö,
und doch wär allas, allas anders:
I han halt hüt kai Mamma mee.*



(Bilder: Gruss aus Chur / Band 2)